

續資治通鑑長編卷四百十二

宋 李燾 撰

哲宗

元祐三年六月丙子朔詔鄉戶衙前役滿未有人替者
依募法支顧錢如願投募者聽仍免本戶身役不願投
募者速召人替 吏部言熙甯敕知州通判川廣以二
年爲滿元豐敕川廣以三十月元祐敕知州通判並以
三十月爲任卽不分川廣請川廣知州通判除有專法
指定及酬獎外不論見任新差官並二年爲任其使闕
滿替悉依本法從之

丁丑朝請大夫天章閣待制知杭州楊繪卒

舊錄云繪嘗薦屬吏

王承年御史蔡承禧言其陰爲姦私通饋賂下有司而承年自言繪嘗納眞珠許薦爲閣門祇候獄具而承年

前死坐貶荆南節度副使新錄辨曰永年獄未具而死事難辨明當略其詞移入楊繪卒時

己卯詔王中正宋用臣並展一期敘政目初四日宋用臣監條酒實錄無

之元祐元年正月十四日又四月十八日四

詔待制

以上落職期滿檢舉者今後並量元犯取旨

舊錄云舊制侍從官

落職期滿檢舉例復職至是韓川為左司諫以前所貶

官於法當敘恐其復用故先事建言而有是詔新錄辨

已用與不用自繫朝廷韓川安能預知其復用而先事

言之自舊制以下詔諸宮學教授闕選所舉學官及

可為師表可備講讀科充不足則三省選差仍取升朝

官已上有出身年四十已上者中散大夫鴻臚少卿

龐元英知晉州

庚辰詔將來一次科場如有未習詩賦舉人許依舊法

取應解發合格人不得過解額三分之一應解二人者

均取卽有零分及解額一人者並通取文理優長之人

此據諸州編錄條貫冊元祐三年六月十五日聖旨今移

附本年令禮部立詩賦格式蓋令禮部議差官等法本部以爲不須

且云詩賦格式蓋令禮部議差官等法本部以爲不須

別立但立此格式奉聖旨依奏不知舊錄何故卻云令

禮部立詩賦格式按三年十一月十一日彭汝礪奏禮

部牒奉聖旨令兩制兩省同共看詳修立到考校詩賦

并格式聞奏人不知此聖旨是何月日降或卽舊錄所

云自別有月日而舊錄并入二年十一月十二日乎

酌其時令兩省兩制看詳格式必當在此六月二十

後也四年十二月二十四日實錄載禮部申明此條亦

無令禮部立詩賦格式指揮二年十二月已立四場法

辛巳詔勿收知樞密院事安濤乞解機務文字

癸未詔左右司諫正言殿中侍御史監察御史以升朝

官通判資序實歷一年以上人充初太皇太后宣諭曰

近時臺諫官多是新進未甚更事所論不知朝廷大體

近於求名可依祖宗故事選用歷第二任通判人充司

空呂公著言近制舉官不以資序因檢會舊制而有是

詔王巖叟有章論舉法太嚴乞除去實歷一年

詔三

省同得旨事就中書諸房選差三省本房人吏兼同行

遣依條由給舍進呈得旨者並依已得畫旨更不覆奏

直送曹部等處施行仍具奏知三省各錄畱爲底餘依

舊政目云三省同得旨事就中書房三省同行直送曹部

朝奉郎知襄州邢恕

除直龍圖閣差遣如故初恕由起居舍人出知隨州改

汝州又改今任用期檢敘也

自隨改汝政目在元年十一月二十四日直龍圖閣

在四詔保甲補借差以上者初該磨勘有本轄官二

員同罪奏舉陟聽如常法磨勘卽無舉主或不足或

犯贓若私罪徒卽展二年應別格合展者並累展其元

豐元年以後補授人雖經磨勘改轉內歷一任先無舉

主或不足者將來磨勘亦如之

甲申罷潭州安化縣博易場其人戶欠息特行除放趣
納本錢從荆湖南路轉運司請也 詔刑部應天下奏
到大辟案除疑慮可憫及依法奏裁自合依舊取旨外
但情理稍有可議者亦具因依取旨

丁亥詔賜北京恩冀州界修河役兵夏藥特給錢 詔

經明行修黃杲卿黃穎並特與應天府助教以被舉不
至御史中丞孫覺請各就除一官教導後進故有是命

詔今後諸蕃國貢物估直與舊例相近者並如例卽
所估下增減不同申稟尙書省 工部言嘉州豐遠監

歲鑄錢八萬有奇止以職官兼領請依舊置監官一員
於本路選舉其姓名申吏部從之

戊子詔河岷蘭州緣邊今後諸蕃客般擦入漢買賣回日許由城寨搜檢不得帶錢入蕃若在漢界聽其便庚寅月有食之

辛卯四方館使嘉州團練使狄諮復引進使

壬辰詔命官犯罪有虧名教雖無特旨者並申尙書省奏裁

癸巳龍圖閣待制知越州熊本知杭州尋罷之

尋罷據政目當

考

上批訪聞見修黃河役兵死損逃亡不少顯是本

處飲食衣服藥醫不至如法當職官吏不切用心照管及聞役兵患病稍重多是作發遣歸迴本州名目避免損折分數當此暑熱道途轉運更多損失可速降指揮嚴與約束施行仍勘會逐處所役人兵元初若干自工

役後來損失若干其詣實聞奏

御集六月十日手札

丁酉龍圖閣直學士祕書監呂公孺為刑部侍郎刑部

侍郎孔宗翰為寶文閣待制知徐州宗翰以疾求補外

也翼日宗翰卒

舊錄宗翰傳上即位知兗州道除司農少卿未就職遷鴻臚少卿司馬光方銳

意紛更法度宗翰曰新法便於民者公勿遽也光默然新錄辨曰宗翰徒為此言無益於利害之數今刪去

朝請郎林旦為右司郎中

詔坤成節崇政殿上壽文

臣待制武臣觀察使皇親團練使以上竝赴百官表賀

於內東門

詔邢趙州知州今後互差武臣從安撫使

滕元發請也

朝奉郎知徐州杜純為淮南路轉運使

尋詔純依舊知徐州

純必有故當考十月十八日改陝西運使案杜純之移淮當以孔宗

翰外補之故翼日而宗翰卒仍詔純知徐州應非別有故也

己亥侍御史盛陶言責降官情理重檢舉者請量所犯

取旨從之

詔在京都商稅院以天聖年所收歲課爲

額元祐初戶部用五年併增法立新額歲課不登官吏

多坐責罰言者論之而有是詔以夏熱權停在京工

役三日中散大夫少府少監鍾離景伯知壽州

案河渠志

回河之詔與范純仁王存皆繫之是月戊戌庚子兩日與此異

辛丑夏人寇塞門寨詔陝西河東經略司嚴戒城寨當

職官增完守備如夏賊攻犯非逼近城下決可取中勿

多施行自致闕誤

夏人以四月二十四日寇塞門不知此段所書果在何日恐不應再寇當

朝散郎吏部郎中彭次雲爲淮南轉運使

五月四日除益

止漕尋

壬寅龍圖閣直學士光祿大夫致仕韓贄卒

癸卯詔今後應除六曹郎中選第二任知州以上資序

實厯知州或曾任監司官六曹員外郎校理臺諫官開
封府推官竝滿二年人充少監員外郎府推官選第二
任通判以上資序或初任通判曾厯外任親民二年人
充寺監丞選第二任知縣以上資序人充 右正言劉
安世言臣昨自四月後來三次論奏胡宗愈操行汙下
毀滅廉恥貪得患失背公徇私誠不足以輔佐人主參
預國論欲乞出自聖斷特行罷免今已兩月末蒙指揮
臣風聞宗愈任御史中丞日稅周氏之第以居每月僦
錢十八千自去年七月二十一日後至今年二月終止
償兩月之直其業主三班奉職周知哲累次令人乞請
餘緡而宗愈每加辱罵竝不支給遂於二月一日經官
申訴乞差人追索及發遣起離開封官吏畏避權勢不

爲依公施行而遽寢其事中外傳播實駭耳目臣聞中
丞之任紀綱所繫檢察非違糾正百辟官之雄峻莫與
爲比宗愈旣長憲臺不能正身以率下而恃權貪利罔
顧義理儻人之居不給其直行已無恥辱國已甚況宗
愈更踐華要月俸至優近嘗奉使大遼又經押賜親王
禮物所獲甚厚加之鄉里有高貲之名非不足於財乃
敢挾風憲之威肆貪鄙之行輦轂之下暴橫自若將以
表率在位風化四方此而可赦國法廢矣伏望陛下特
降睿旨以周知哲所陳文狀付所司推究明正典刑其
開封府官吏挾情違法之罪亦乞特賜指揮施行朝
奉大夫權開封府推官林邵提點河北西路刑獄朝
奉郎江南西路轉運判官田子諒爲開封府推官

秋七月丙午衛尉少卿直龍圖閣文及為光祿卿案文及即

彥博子及甫寶真齋法書贊載及甫盛暑帖署名止稱及為避宣仁后父諱今仍舊皇城使知

邠州張若訥為環慶路鈐轄知環州詔今後監司及

帶職人因罪追降官資差遣或落職并特旨責降人竝

檢舉申都省其不應取旨之人若與應檢舉人同犯責

降者依此殿前都指揮使武信軍節度使燕達卒舊錄

燕達傳元豐八年神宗寢疾益甚會蔡確母入禁中皇

后使諭確外託主兵官燕達等輔立皇太子建神考升

退宿衛於內東門百官朝晡臨繇垂拱殿入皇族親王

繇內東門入達謂人曰天子新即位我坐甲於此以備

非常萬一有姦人隨皇族而入則事起不測又豈能人

之恐被罪達曰我蒙先帝大恩拔擢常在眾先言之苟

當雖死何憾遂奏上因大嘉歎之新錄辨曰蔡確誣謗

事朝廷已具正其罪託燕達輔立皇

太子事合刪去移注立皇太子時

丁未詔有司檢會元豐八年定皇太妃出入儀注以進

戊申皇叔荆王頽卒年三十三上為輟朝成服再幸其

第賜錢三百萬贈太師尚書令荆徐二州牧追封魏王

諡端獻王暴得疾左右或以聞太皇太后不及問及卒

新錄創去舊錄載方國危疑頽獨為宗社計此舊錄所載

不當存如太皇太后不問疾臨喪豈可沒其實也須

參考別修舊錄云當神宗遇疾徐王頽有覲倖意每侍疾

數褰幕直入頽屢挽止之遇蔡確數以言促確曰延安

郡王太子也立何待確猶豫未決曰晚則他人是有

神宗疾甚顯欲畱宿禁中頽奏得弗宿太子立頽內助

居多逮元祐初始賜第咸宜坊曰親賢宅居之仍賜國

子監書諸子自勝衣以上趨拜應對甚謹上皆命進宮

自太皇太后聽政頽非大朝會未嘗進見間遣使宣召

頽曰未復辟不敢往暴得疾左右不以聞太皇太后不

及問至薨口鼻皆流血又或止之亦不果臨奠方國危

疑皇嗣未立頽能不可負神考奮不顧身為宗社計雖古

之所謂臨大節而不可奪者何以加諸新錄辨曰此正

蔡確等傳會一時之說謗誣宣仁聖德者實錄元豐八

年三月月上即位事辨之詳矣此一節合刪去蔡惇直筆

宣仁諭范純仁等一兒一女死皆不節合刪去蔡惇直筆

年此可參考六

日朱梁追官

己酉故大理寺丞王安國特追授宣德郎仍復祕閣校理定州觀察使贈開府儀同三司追封尹國公諡恭孝克柔卒

庚戌詔以荆王喪罷大宴貶權易副使兼翰林醫官

副使熊日嚴而下六人坐醫治荆王不效入內東頭供奉官朱邁梁和各追兩官坐荆王疾奏聞不以時致太皇太后臨問不及故也日至酉初一刻赤如頰

辛亥賜鄂特凌古詔曰省所差人進奉及乞今後依舊差般擦上京進奉事具悉惟爾祖先世篤忠孝本與夏賊日尋干戈亦惟恃我朝廷爵秩之隆用能保爾子孫黎民之眾肆朕命爾嗣長乃師而自承襲以來強酋外擅爾弗能禁恣其所爲遂據洮城以犯王略陰連夏賊

約日盜邊朕愍屬羌之無辜出偏師而問罪元惡俘獲
餘黨散亡山後底平河南綏服朕惟率豪酋而捍疆場
乃爾世功叛君父而從仇讎豈其本意庶能改過未忍
加兵今除已招納依舊許般擦往來買賣及上京進奉
爾宜約束種類其保邊陲期寵祿於有終知大恩之難
再勿使來款復爲虛言卿所進眞珠生金犀竝各回賜
錢銀綵外今特賜卿對衣腰帶銀器衣著等具如別錄
至可領也

癸丑遼主遣使長甯軍節度使蕭孝恭副使中大夫守
太常少卿充乾文閣待制劉慶孫來賀坤成節 太皇
太后手詔皇帝嗣位於茲四年華夷來同天地竝應而
皇太妃以恭儉之德鞠育之恩雖典冊以時奉行而情

文疑有未稱皇帝以祖考之奉尊無二上而吾惟春秋
之義母以子貴其推天下之養以慰人子之心宜下禮
部太常寺討論如於典故有裒崇未盡事令開具以聞
政目在
八月

丙辰左中散大夫直祕閣諸王府翊善王汾爲祕書少
監朝奉郎集賢校理杜常爲左司郎中國子司業盛僑
爲揚王府侍講朝請大夫直集賢院諸王府侍講鄭穆
爲揚王府翊善考功郎中周尹知梓州皇城使漢
州刺史廣西路鈐轄張整內殿承制閤門祇候知融州
溫暑各降三官張整就添差監江川稅溫暑就差監歙
州茶鹽酒稅右侍禁權邵州臨口寨主鍾仲仁左侍禁
管句融州臨溪堡事兼地分同巡檢杜震各降兩官衝